

撫州府志卷之二十四

人物志 文苑

古者三不朽曰立德立功立言丈夫欲豎不朽之業而於三者無取古人非之撫郡如晏氏之祖孫魯王兩家之兄弟紀之史冊照耀千古不但三陸二吳堪不朽也至瑰異特達磊落奇偉之士亦足附於立言之列可湮沒乎哉高山流水伊人宛在實獲我心矣志文苑

宋

蔡元導字濬仲臨川人父宗晏官至職方員外郎元導博

撫州府志

卷之二十四 文苑

聞強記與弟元翰共學貧無書籍有市書者過之留文史數部經宿還之曰吾已默記商怒曰果爾當焚吾書否則還直元導誦之如習熟者里人目其所曰焚書邱景祐四年兄弟試茂才異等科俱中選語許侵主司尋報罷時田况張方平來別曰劉蕡下第我輩何顏元導應聲曰雍齒且侯吾屬無患時以爲各對鄭戩葉清臣宋祁蘇紳皆送以詩及歸道跡麻姑山十餘年嘉祐初太守聶厚載勉使就科舉遂與子承禧同登嘉祐二年進士官終南劍州推官以子貴累贈朝散郎世居城南

謝逸字無逸臨川人少孤博學工文辭操履峻潔再舉進士不第母喪毀瘠不勝衣曾子開呂原明陳瑩中皆折輩行與交洪朋徐俯秦觀汪莘皆以詩文相許黃魯直嘗曰使斯人在館閣當不減晁張李商老謂其文步趨劉向韓愈朱彥以八行薦勉赴之一夕返嘗自家如京師士大夫迎候相屬詩酒酬酢屢月不能達家居月必一集里中賢士合論古人厚德事書之冊名曰寬厚會自號溪堂嘗寄隱士詩云先生骨相不封侯卜居但得林塘幽家藏玉唾幾千卷手校韋編三十秋相知四海

撫州府志

卷之二十四

文苑

二

孰青眼高卧一菴今白頭襄陽耆舊節獨苦只有龐公不入州語意跌宕蓋以自寓所著書有春秋廣微樵談其他詩啟碑志雜論凡數百篇卒年四十五淳熙中太守趙熠繪像祠于郡學

謝邁字幼槃逸弟有英氣嘗爲漕司首薦省闈報罷開軒對竹自號竹友以琴奕詩酒自娛詩文不亞其兄時稱二謝呂本中云謝康樂詩規模宏大爲一時冠元暉清新獨出又自有過人者無逸似康樂幼槃似元暉又云幼槃與兄無逸脩身厲行在崇觀間無所汚染不獨以

文見稱卒年四十三兄弟所爲文俱傳於世孫源字資  
深氣質渾厚以孝友稱紹興未登進士授建昌軍教授  
轉邵武丞嘗遊武彞題詩朱晦庵謂其句律無慚前輩  
及卒爲銘其墓曾孫樞字子發刻意問學慶元五年登  
進士官至通判江州

曾紆字公卷文肅公布子也善詞翰有志節以廕補官歷  
州縣崇寧癸未坐黨籍貶零陵與黃魯直厚善紹興二  
年除直顯謨閣守本郡別號空青有文集十卷初建中  
靖國景靈宮成詔文肅銘其碑文肅使紆代作碑成天  
撫州府志

卷之二十四 文苑

三

下傳誦至淳熙中山陰陸游爲常平使者至臨川始得  
其遺文而知之嘆舉世士大夫知空青不盡云  
李郭字子經宜黃人觀書一覽輒記爲文援引浩博不能  
就有司程度嘗著北事罪言二十篇欲遷都建康取山  
東關中爲恢復計遍遊江淮見知於張于湖欲試賢良  
不遇退而著書人號爲書厨周平園楊誠齋謝良齋何  
月湖陸放翁皆引爲上客有堂名洛誦著文集數十萬  
言李鴈湖跋云博學強記文甚高予來臨川恨識之晚  
鴈湖注荆公詩多得其助所著又有緯文瑣語誠齋爲

之跋子慶白字孝伯紹興四年進士仕至廣東提幹  
黃希字夢得宜黃人博學授徒憲使鄒非熊其高弟也希  
登乾道二年進士官永新令嘗作春風堂於縣治楊誠  
齋爲之記作詩慕少陵句法有補註杜詩搜剔隱微皆  
前人未發未及成而卒子鶴續成之鶴字叔似著北窻  
寓言集

吳沆字德遠崇仁人幼孤事母孝博通經史宋政和與弟  
澥各獻所著書下國子監沆抵廟諱罷歸澥得免澥後  
進周禮本制圖論下禮部會六部火沆曰事可知矣賦

撫州府志

卷之二十四 文苑

四

草廬依舊指南陽之句以歸隱居環溪號無莫居士卒  
年五十七著易論語發微老子解環溪集數十萬言象  
山嘗云觀其文可以知其人矣澥登隆興元年進士所  
著有宇內辨疆域志受命符圖罪言等書至孫大禮紹  
定間亦以布衣叩關

鄧輅字國驂崇仁人也博學爲文簡嚴宋靖康間以布衣  
言事不合歸隱自號陋室先是邑西北境山險多盜輅  
謂卽其地立縣乃可止言于邑丞張詠白計使聞于朝  
劄樂安縣盜遂息門人私謚曰文定平生所著文集凡

二十卷

吳曾字虎臣崇仁人也個儻負志氣年十五遊上庠金兵南下曾挾書歸爲學益力從孫仲益汪彥章韓子蒼徐師川論文說詩呂居仁謂其文宏大奇偉言高旨遠當與江西諸名公並稱高宗朝以獻書得官累遷至吏部郎中孝宗朝知嚴州致仕曾平生苦學多所著述有君臣論負暄策毛詩辨疑左傳發揮新唐書糾繆得閑文集待試詞學千一策南征北伐編年南北事類能改齋謾錄下至醫藥方書近二百卷悉收入秘府

撫州府志

卷之二十四

文苑

五

劉迂字漫翁宜黃人也自號巢松隱居不仕文章敏贍自成一家凡百氏釋老之書無不研究朱陸諸儒會于鵞湖以詩請益于理學有所得年八十餘一日沐浴焚香而卒有文集

俞庭椿字壽翁臨川人也宋乾道八年進士仕終新淦令庭椿有大志而廉介自將見者莫不喜其才服其敏愛其清嘗出使金人自北地還因紀次其道路所經山川人物與夫語言事蹟之可備採用者爲北轅錄錢象祖爲之序又考周禮以司空散在五官先儒汨陳之著復

古編行于世

曾丰字幼度樂安人乾道五年進士以文章名嘗留隆興都督幕府與黃子由同編豫章乘子由倫魁也丰勉以爲學之道因其號鏡齋而爲之銘晚年恬于仕進築室曰樽齋以詩酒自娛四方求詩文者常滿座有緣督集爲世所重郡守傅穀贊云不夷不惠斯道之魄不歐不蘇斯文之脉外容萬象中無一物人以爲名言

曾極字景建臨川人父滂字孟博爲人質直剛烈四方宗陸氏者自滂與李德章師復齋始滂長象山五六歲象

撫州府志

卷之二十四

文苑

六

山甚愛重之極志氣豪放聲名四起朱文公得其書及詩大異之往來書每語以爲已之實謂其文似老蘇大蘇李鴈湖趙南塘相與賡酬最多嘗遊金陵題行宮龍屏忤時相史彌遠謫道州解吏窘極甚司法羅必元曰曾景建作詩傷時憫國爾亦何罪乃釋其縛使之善達卒于謫所李心傳爲上言曾極久斥可念上曰非爲江湖集邪有旨歸葬所爲詩文有舂陵小雅金陵百詠嚴滋字泰伯臨川人端重明敏從象山學象山曰始吾聞泰伯賢今觀氣象聽談論可與適道郡博士禮爲前序

新學舍核學計知無不爲舉進士不第著十論叩闥晚  
主郴陽簿而卒有寄牕衲稿守軒草錄東征雜著

陳南仲字彬鄉臨川人以六經學授徒于鄉孟大監點趙  
侍郎涯畢韶州允升皆出其門教人以理義爲主詞華  
爲末平居口不臧否人物與學者講論必使昭晰而後  
已嘗與象山言臯陶秩禮叙典命德討罪一歸之天九  
德又分之爲六爲三皆天地陰陽之道此爲明道之要  
象山亦云臯陶洪範呂刑在書爲傳道之書其議論相  
契如此至老好學不倦由上庠以累舉恩爲廣州監稅

撫州府志

卷之二十四

文苑

七

而卒遺文數十篇藏于家

曾季狸字裘父文定公弟宰之曾孫也再舉進士不第師  
事韓子蒼呂居仁又與朱晦翁張南軒書問徃復南軒  
被召季狸戒其不當談兵且勸以范文正忠宣父子爲  
法郡守張孝祥樞密劉琪薦於朝皆謝不起呂東萊數  
稱其學有淵源南軒有探古書盈室憂時雪滿顛汪應  
辰有四海曾裘父之句其爲時賢稱服如此自號艇齋  
著論語訓解陸務觀序其集曰文辭簡遠讀之者遺聲  
而莫得喪如見東郭順子悠然意消然可傳之作尚不

止此遺珠棄璧識者興嘆屬郡博士趙去華訪其遺集以補之

葉李興字英叔臨川人幼聰敏日誦千言性孝友質直謙厚嘗取諸史百家之書著瞽譚商榷今古銓品人物於是非褒貶尤嚴平園周必大稱其識度高明蘊蓄闔富蓋實錄也

鄧名世字元亞臨川人天資篤厚爲文長於叙事先是議臣禁學春秋及諸史者名世獨酷嗜之試有司屢以授春秋見黜同舍又勸其母藏元祐黨人文集名世笑曰

撫州府志

卷之二十四

文苑

八

是足以廢吾身乎乃杜門却掃益研究經史考三傳同異徃徃發諸儒未發御史劉大中宣諭江南得所著春秋四譜等書薦召命州郡錄進其書遂以布衣上殿進治人實務等說上嘉納尋賜出身除勅令所刪脩官兼史館校勘時紹興四年也由秘書省正字遷著作佐郎仍兼史館先是脩哲宗實錄元祐八年若干卷名世以舊史叅攷御集及日曆時政記玉牒等書補成之又編建炎已來日曆訖紹興九年爲書三百七十卷言者論名世陵其同列又擅寫日曆副本留史院坐奪官歸

築室讀書扁曰太史書室踰年還舊官奉祠卒年五十  
七所著有春秋論說春秋類史春秋公子譜列國諸臣  
圖左氏韻語國朝宰相年表古今姓氏辨証皇極大衍  
數大樂書合三百卷

王克勤字叔弼臨川人淳熙二年中童子科郡卽其所居  
立瑞童坊入秘省讀書益勵志於學又登淳熙十四年  
第歷太常簿秘書省正字

鄒安道臨川人淳熙五年進士官止金壇丞深於易作易  
解發越積蘊學易者宗其說多所成就

撫州府志

卷之二十四

文苑

九

吳漸字茂榮臨川人年十五父使之治生一日從容自言  
志乃命從鄉先生江滙受學三舉不第乾道間許及之  
蘇總龜爲教官請居前廡旣糾正學事卽棄去性孝弟  
其與人多謙恭不詭隨識象山於童幼妻以女及漸卒  
象山狀其行楊慈湖有詩云璞玉中含人未識度長恐  
不愧文通蓋取柳子厚作陸文通墓表意任儔字無黨  
性疆記十七史皆手抄嘗試禮部寓旅邸每更初暗誦  
春秋三傳不遺一字鄰邸湯省元疇聞之大驚願結交  
鄒虎字子虎轉子臨川人爲文辨博以氣勝嘗曰吾文祖

左氏宗遷史出入百家馳騁韓柳以餘勇賈之何有乎  
進士作聖宋雅頌獻於朝越數年纂治國要語上之紹  
興三十一年金兵侵淮又畫策以獻皆不報築室曰清  
軒所著詩文甚富又有名貂如犀如者亦以文稱嘉定  
十六年秘書省行下並取其文并晏元獻王荆公吳曾  
何異文集及羅鑑所撰羅山志罄沼集上之

危正字逢吉舊名科臨川人也宋淳熙十四年試春官知  
舉洪公邁稱其文踔厲雅健登九科授南康軍教授士  
經指授文體丕變後知潮州又知漳州爲義塚葬喪之

撫州府志

卷之二十四 文苑

十

無主名者二千三百餘建龍江書院奏罷經總制無名  
錢五千緡與部使者忤請祠歸築城南五老峯與鄉老  
七人爲真率會自號巽齋又號驪塘卒年七十四真西  
山德秀嘗舉自代至是銘其墓有巽齋集諸經講義集  
解史編玉府藥山集皆行于世弟和字應祥開禧元年  
進士知德興縣推行荒政有方居官潔廉還里飯不足  
澹如也取陶靖節語號閒靖居士又號瞻塘亦有文名  
羅鑑字罄沼點從弟博學多聞冥搜廣覽嘉定元年春西  
昌簿李伯醇來攝縣事聞公名肅幣介紹託公以邑乘

公彙集累年乃克成書月湖何公請吏部尚書曾公耿序之曾嘆其彙次有條援據有實質而不俚贍而不蕪非筆力大過人其疇克之厥後詞林皆推爲名誌取登秘府

畢允升字元吉臨川人有文名精於周禮由太學內舍登宋嘉定十六年進士授贛州教授遷沂王府教授兼史職雷變上封事言正君心及納諫責實後知郴州韶州以廉稱爲人莊重門庭清峻卒年七十四

黃義勇字去私父仁傑氣槩豪爽嘗云讀忠臣義士之碑

撫州府志

卷之二十四 文苑

十一

意飄飄然作凌雲之想觀奸人佞夫之傳劍切切然作斬馬之聲著屯田議爲周益公朱文公所知尉臨川因家焉號海嶽子義勇嘗留文公武彝精舍弘齋李燔折輩行與交執親喪行古禮爲白鹿洞堂長勉齋黃榦嘗曰向來問學之士凋落殆盡江西則甘吉甫黃去私兄弟張元德不過數人耳弟義剛字毅然事文公最久議論尤有根據嘗次序所聞曰先師德言次義明字景亮師勉齋孝友慈祥待人如一有慢已者必自反引咎至論古今遇不平事輒拂膺嘗語學者曰體認使識趣真

提撕使志氣強涵容使精神聚是可觀所學矣自  
齋有詩文講議

鄒處字文伯撫州人肆力科舉刻意吟咏嘗出其新舊稿  
以示益公周必大益公曰臨川自晏元獻與王文公主  
文盟于本朝由是詩人項背相望如謝無逸兄弟及饒  
德操汪信民皆傑然拔出者也南渡以來又得寓公韓  
子蒼呂居仁振而作之四方傳爲盛事其後儒冠則會  
季狸裘父釋氏則文慧大師惠嚴道士則黎道華師候  
同時以詩鳴人喜稱之夫木有本可以干霄水有源可  
以達海以文伯之才進而不已追前人無難矣

撫州府志

卷之二十四

文苑

十三

詹元吉字子正樂安人生稟明粹嗜伊洛之書約而歸於  
易旣涵暢又嘆曰易道詎止此耶乃不遠千里訪諸名  
家淳祐丁未進士第官止古田尉家居從學者衆嘗語  
學者曰伊川言理漢上言數數外無理理外無數著書  
藏于家

周孚先字信叔金谿人性敦樸言行不苟師事陸文安時  
以及門士分爲四齋以孚先爲志道齋長文安沒與袁  
燮包恢編錄其文集行于世

陳藏一崇仁人嘗師馮厚齋作詩云閉門不受窓前月分  
付梅花自主張理宗大異之命記天竺華嚴閣

熙斂應制景定間充東宮講堂掌書兼撰述德祐乙亥卒年八十二度宗御贊其像云文窺西漢詩到盛唐傳予左右知汝忠良子世崇字伯仁隨父入宮禁仍充東宮講堂說書兼兩宮撰述後任皇城司檢法能詩文賈似道忌之遂歸于鄉著謾錄多述宋時事

其深字泳之崇仁人讀書不拘繩尺尤工於詩年二十餘浪跡東南愛知於徐徑畝楊東澗又與趙東林黃大山林止菴曾平山游大山云泳之之詩悟入之門在李賀用事均之出古書而如出異書用字均之出古韻而如

撫州府志

卷之二十四 文苑

十三

出別韻出嶺雜言一首凡三千四百字隨事起義隨義練句古今大篇未或過之泳性剛正不與時俗俯仰平生不娶如林和靖元至元庚寅卒年五十九所作甚富鰲溪刊本止七百三十餘篇號東溪集

胡以遜字幼謙崇仁人八歲能文咸淳戊辰登第授永福簿丁艱服闋不復仕家居以文章自娛讀莊子怪其多駁雜乃采諸家之說而斷以己意著莊子補劄十卷陳自堂深取之贊以四詩所著又有詩文五十卷千金裘齊誌各二卷待問二卷時文十卷口義二卷嘗曰吾平

一生著書惟補劓用力居多若得傳世千載之下當有子雲自號梅村子安詩字季雅能詩長於四六

鄭松字特立樂安人三預進士貢不第以邵子經世書止于周顯德乃自庚申宋興至甲午金亡爲續其二百七十五年於邵子所紀三千三百一十六年間頗有更定書法視昔尤謹其論國統絕續離合謂興國無所承亡國無所授者各爲系漢魏晉宋齊梁陳爲一系魏周隋唐梁唐晉漢周宋爲一系遼金元爲一系吳文正公以爲此論世儒未之及松入元隱居布水谷三十年於凡

撫州府志

卷之二十四

文苑

十四

古今因革聖賢心迹有所疑每就文正細商之不以輩行自居

曾斗南字明卿號翠屏樂安人刻意讀書忘情仕進與葉苔磯曾子實詩筒絡繹問業者填戶故名浮於諸公闕著有翠屏詩集

戴琳字伯淳崇仁人父有嚴以子貴贈殿中丞琳博學績文尤喜賦詩性剛介嚴厲慶曆戊子與其弟經臣同領鄉舉皇祐壬辰再舉上春官不第無復仕進意林泉自樂縉紳稱曰靜逸先生有文集行世

繆穆字舜賓崇仁人咸淳中以詩賦舉第一博記覽談論  
輒傾四座遊李梅亭之門傳其詩學樂府諸曲皆工吳  
文正序其集復銘其墓所著詩文及書經漫鈔行於世  
鄔克誠字信叔樂安人少負文名乾道間諸碩彥交相稱  
引慶元中以布衣詣闕上易說六卷爲史府塾客洎歸  
闕小圃日以文字陶詠其間一時金石之作多出其手  
今丞下車必先過訪誠以學道愛人大旨諄詳反覆語  
不及私年九十寄詩任令曰說易希程氏傳經愧伏生  
李進字野翁崇仁人宋淳祐甲辰進士國亡題其隱居之  
舍曰礪谷植瓜種菊以終其身邵庵虞集稱其詩兼陳  
簡齋陸放翁魯蒼山趙東林之長有礪谷居愧稿  
艾叔可字無可東鄉人號矚山咸淳戊辰奏策入三等授  
新建丞以詩文名所著有文江講義集鉤元編弟憲可  
字元德號蕙山累舉不第以詩文自娛著有蕙愁吟三  
卷姪性字天謂號孤山屢舉不第闔門教授執經者盈  
門尤工於詩著有孤山詩集世稱三艾先生

元

周昂霄字翀之崇仁人至元間克濂溪書院山長工於聲  
律吳艸廬嘉其行檢端嚴文詞逸藻爲作棲筠集序時  
同邑有周陽鳳字伯清博學能文士多從遊者有山堂

文集

詹崇朴字叔厚號厚齋樂安人經義貫融卓爲名儒宋末舉進士不第大德中夏友蘭建鰲溪書院吳文正公請崇朴以主其教學者多所成就所著有壑光集

何中字太虛一字養正天聲子少穎拔以古學自任載籍靡不貫穿藏書萬卷手自校讎其學宏肆深博廣平程鉅夫清河元明善負知人之鑒皆器遇之至大初鉅夫明善及柳城姚燧東平王構皆在朝遂北入燕以文章相通會諸權臣用事內外翕翕居兩月天大雪竟不別

撫州府志

卷之二十四 文苑

六

而去歸與諸門弟子講易書詩春秋吳文正公呼爲中表弟然每推讓不敢置弟子列嘗曰何太虛書不鍾王詩不陶韋文不班馬韓柳不止一代文豪也至順二年江西行省平章全嶽桂遣使聘爲隆興路學宗濂東湖二書院賓師明年春與其子渡江遊西山主丁氏以疾卒年六十八士大夫吊者數百人積所著有易象類二卷書傳補遺十卷通鑑綱目測海三卷通書問一卷吳才老叶韻補遺一卷校補六書攷三十一卷薊丘遺述錄一卷知非堂集十卷支願錄二卷六書綱領一卷

王科字子純樂安人宋末貢國學入元隱居不仕草廬稱  
爲宿學者儒家居築汪陂溉田千頃鄉里稱之子梁字  
良甫子純遺之師事草廬賦詩送之有人以書觀書  
與已爲二我以心觀書我心萬卷備之句梁力學爲草  
廬所器邑長燮理普化郡守楊友直皆加禮敬著有西  
齋稿藏於家

吳寶翁字幼賢崇仁人博涉書史尤精天文曆數自號山  
泉有山泉文集藏於家嘗補羅山誌是時元有中土幼  
賢所補止故宋之事

朱嗣榮字文昌朱夏弟也幼治舉子業試于鄉不售卽棄

撫州府志

卷之二十四

文苑

七

去以詩文自娛仍博涉諸家探其旨與宋景濂稱其冲  
淡類漢魏雄健如盛唐少嘗以錢粟貸人一旦自責曰  
此非儒者事集貸者取質券焚之家遂貧有憫其貧者  
畀以良田百畝固拒不受東平穆敬來爲縣遣幣辟爲  
學者師復固辭所著有政鑒若干卷詩詞三百餘首人  
多頌焉

涂允仁字靜甫宜黃人性端謹嗜書史延祐間膺歲薦任  
福建延平學博日與生徒講閩洛之學致仕歸嚴於處  
訓仙子端卿舉於鄉孫潛生守約皆克以學自勵仁  
之教也